

Хэнтий аймаг дахь Төрийн аудитын газар



**АУДИТЫН ХУРААНГУЙ
ТАЙЛАН**

ХЭА-2025/06-22-ШТА-ГА

ГҮЙЦЭТГЭЛИЙН АУДИТ

**“ОРОН НУТГИЙН ТӨСВИЙН 2024 ОНЫ
ХӨРӨНГӨ ОРУУЛАЛТЫН ТӨЛӨВЛӨГӨӨНИЙ
ХЭРЭГЖИЛТ”**

***ОРОН НУТГИЙН ХӨРӨНГӨ
ОРУУЛАЛТЫН ГҮЙЦЭТГЭЛД
ТАВИХ ЗАХИАЛАГЧИЙН
ХЯНАЛТ ХАНГАЛТГҮЙГЭЭС
ТӨСӨЛ, АРГА ХЭМЖЭЭ БҮРЭН
ХЭРЭГЖИХГҮЙ БАЙНА.***

Хэрлэн сум
2025 он



ХЭНТИЙ АЙМАГ ДАХЬ ТӨРИЙН АУДИТЫН ГАЗАР

Аудитын сэдэв: “Орон нутгийн төсвийн 2024 оны хөрөнгө оруулалтын төлөвлөгөөний хэрэгжилт”

Аудит хийсэн үндэслэл, бүрэн эрх:

Төрийн аудитын тухай хуулийн 6 дугаар зүйлийн 6.3.1, 11 дүгээр зүйлийн 11.1, 11.5 дахь заалт, Төрийн аудитын байгууллагын бүрэн эрхийн хүрээнд Монгол Улсын Ерөнхий Аудиторын 2024 оны А/108 дугаар тушаалыг үндэслэн гүйцэтгэлийн аудитыг хийлээ.

АУДИТЫН ГОЛ ДҮГНЭЛТ:

ОРОН НУТГИЙН ХӨРӨНГӨ ОРУУЛАЛТЫН ГҮЙЦЭТГЭЛД ТАВИХ ЗАХИАЛАГЧИЙН ХЯНАЛТ ХАНГАЛТГҮЙГЭЭС ТӨСӨЛ, АРГА ХЭМЖЭЭ БҮРЭН ХЭРЭГЖИХГҮЙ БАЙНА

Тайланг хүргүүлсэн этгээд:

Үндэсний аудитын газар, Хэнтий аймгийн Иргэдийн Төлөөлөгчдийн Хурал, Засаг дарга, аймгийн ХААГ, аймгийн ГХБХБГ

Нэмэлт мэдээлэл, мэдээллийн эх сурвалж:



Хэнтий аймаг, Хэрлэн сум, Аймгийн Засаг даргын Тамгын газрын байр, Хэнтий аймаг дахь Төрийн аудитын газар,

e-mail: khentii@audit.gov.mn, Утас:7056-2112

Чингис хот
2025 оны 04 дүгээр сарын 19

Аудитын харилцан хамаарал:

Аудитыг хийснээр орон нутгийн хөрөнгө оруулалтаар бий болсон бүртгэлгүй болон ашиглалтгүй хөрөнгийн бүртгэл, ашиглалт сайжирна,

Орон нутгийн хөрөнгө оруулалтаар хэрэгжиж байгаа төсөл, арга хэмжээнд тавих хяналт сул байгаагаас хэрэгжсэн төсөл, арга хэмжээ төлөвлөсөн үр дүнд хүрэхгүй байх, төлөвлөсөн хугацаандаа хэрэгжиж дуусахгүй байх эрсдэлтэй,

Аудитыг давтан хийсний дүнд зөрчил буурна.

Аудитын зорилго, зорилтууд, хамарсан хүрээ:

Аудит хийж, аудитын дүн, дүгнэлт, зөвлөмжийг аймгийн Иргэдийн төлөөлөгчдийн хурал, аймгийн Засаг дарга болон холбогдох албан тушаалтанд танилцуулж, иргэд олон нийтэд мэдээлэхэд аудитын зорилго чиглэгдэв.

Уг зорилтын хүрээнд дараах дэд асуудлуудад аудитыг чиглүүлэн хийж гүйцэтгэлээ. Үүнд:

- *Хөрөнгө оруулалтын төсөл, арга хэмжээг хууль журамд нийцүүлэн төлөвлөсөн эсэх,*
- *Хөрөнгө оруулалтын төсөл, арга хэмжээний худалдан авах ажиллагааг хууль, журмын дагуу зохион байгуулсан эсэх,*
- *Хөрөнгө оруулалтын төсөл, арга хэмжээг хууль журмын дагуу санхүүжүүлж, төлөвлөсөн хугацаанд гүйцэтгүүлж хүлээн авсан эсэх,*

Аудит хийхэд гарсан хүндрэл бэрхшээл:

Аудит хийхэд хүндрэл бэрхшээл гараагүй

Гүйцэтгэлийн аудитаар нийт 398.2 сая төгрөгийн 14 зөрчил илрүүлж, зөрчил арилгах 4 зөвлөмжийг аймгийн ЗДТГ, ГХБХБГ, ХААГ-т, зөрчлийг таслан зогсоох 194.6 сая төгрөгийн 3 албан шаардлагыг аймгийн ЗДТГ, ГХБХБГ-т тус тус хүргүүлж, холбогдох журамд өөрчлөлт оруулах 1 саналыг ҮАГ-аар дамжуулан Сангийн яаманд хүргүүллээ.


Аудитын гол үр дүн:

БҮЛЭГ 1. ХӨРӨНГӨ ОРУУЛАЛТЫН ТӨСӨЛ, АРГА ХЭМЖЭЭГ ТӨЛӨВЛӨЛТИЙН ШААРДЛАГАД БҮРЭН НИЙЦҮҮЛЭН ТӨЛӨВЛӨХГҮЙ БАЙНА.

1.1. Төсөл, арга хэмжээний зураг төслийг улсын магадлалд хамруулах төлөвлөлтийн шаардлагыг мөрдөхгүй байна.

Орон нутгийн хөрөнгө оруулалтаар 2024 онд он дамжин хэрэгжиж байгаа 10,648.6 сая төгрөгийн 10, шинээр 4,059.0 сая төгрөгийн 16 барилга угсралт, их засварын төсөл, арга хэмжээг хэрэгжүүлсэн байна.

Орон нутгийн төсвийн хөрөнгө оруулалтаар 2024 онд барилга байгууламжийн 2, их засварын 10, тоног төхөөрөмжийн 6, зураг төсөв боловсруулах 2, нийт 20 төсөл, арга хэмжээг шинээр хэрэгжүүлэхээр төлөвлөж, 2 төсөл, арга хэмжээг хэрэгжүүлэх эрхийг холбогдох сумын Засаг даргад шилжүүлжээ.



Шинээр хэрэгжүүлэх 4,059.0 сая төгрөгийн 12 барилга угсралт, их засварын төсөл, арга хэмжээний зураг төсөл, хяналтын төсөв нь улсын магадлалаар батлагдсан бол 397.2 сая төгрөгийн 3 төсөл, арга хэмжээний зураг төсөл, хяналтын төсөв улсын магадлалаар батлагдаагүй байна.

“Багийн төвийн барилга /Биндэр сум, Баян-Өндөр баг, Галшар сум Оч баг/ төсөл, арга хэмжээний зураг төсөл нь Засгийн газрын 2023 оны 278 дугаар тогтоолоор баталсан журмын 3.2.2.2¹-д заасан шаардлагад тусгагдсан улсын магадлалаар батлагдаагүй.

Засгийн газрын 2023 оны 278 дугаар тогтоолоор баталсан журманд их засварын ажлын зураг төслийг улсын магадлалд хамруулах шаардлага тавигдаагүйгээс “Иргэдэд үйлчлэх нэгдсэн төвийн засвар /Хэрлэн сум/, 1-р багийн төвийн засвар /Хэрлэн” зэрэг 397.2 сая төгрөгийн 3 төсөл, арга хэмжээний зураг төсөлд магадлал хийлгээгүй,

Орон нутгийн төсвийн 2024 оны хөрөнгө оруулалтаар 7,618.1 сая төгрөгийн 7 барилга угсралтын ажил, 7,089.5 сая төгрөгийн 19 их засварын, 766.9 сая төгрөгийн 6 тоног төхөөрөмж, 627.5 сая төгрөгийн 4 зураг төсвийн ажлыг 2024 онд хэрэгжүүлэхээр баталснаас 35 төсөл, арга хэмжээ хэрэгжиж, 1 төсөл, арга хэмжээ хэрэгжээгүй байна.


“Сумдын хөгжлийн ерөнхий төлөвлөгөө /Галшар, Цэнхэрмандал, Баян-Овоо сумд/” 150.0 сая төгрөгийн ажлын худалдан авах ажиллагаанд гүйцэтгэгч оролцоогүйн улмаас хэрэгжээгүй байна.

1.2. Өмнөх оноос хэрэгжсэн төсөл, арга хэмжээг хөрөнгө оруулалтад бүрэн тусгаж, санхүүжих дүн нь холбогдох журамд нийцсэн байна.

Тайлант онд хөрөнгө оруулалт, их засварын 22 төсөл, арга хэмжээний улсын магадлалаар батлагдсан 14,653.6 сая төгрөгийн төсөвт өртгийг 643.2 сая төгрөгөөр бууруулан 14,010.4 сая төгрөгөөр баталсан байна.

Орон нутгийн хөрөнгө оруулалтын төлөвлөгөөнд өмнөх оноос он дамжин хэрэгжиж байгаа 16 төсөл, арга хэмжээг дуусгах 4,384.5 сая төгрөгийн санхүүжилтийг бүрэн тусгаж баталжээ.

Мөрөн сумын ЗДТГ-ын 114.9 сая төгрөгийн “Ахмадын байрны засвар, тоног төхөөрөмж”, Баян-Овоо сумын ЗДТГ-ын 120.0 сая төгрөгийн “Нэгдсэн халаалтын зуухыг шинэчлэх” төсөл, арга хэмжээг хэрэгжүүлэх эрхийг шилжүүлсэн байна.



Тайлант онд хэрэгжиж дуусах 530.1 сая төгрөгийн 2 төсөл, арга хэмжээ нь шаардлагатай дүгнэлтийг гаргаагүй,

худалдан авах ажиллагааг хугацаа алдаж зарласан, гүйцэтгэгч ажлаа төлөвлөж чадаагүй зэргээс шалтгаалж он дамжин хэрэгжиж байна.

Биндэр суманд байгуулагдах “Цанын баазын зураг төсөл” ажлын инженер геологийн дүгнэлтийг гаргаагүйгээс улсын магадлалаар батлагдаагүй, Хэрлэн сумын “Гэр хорооллын дунд жишиг гудамж байгуулах” ажлын ХАА-г хугацаа хоцроож зохион байгуулснаас гүйцэтгэгчийн ажил гүйцэтгэх графикт хугацаа зөрчигдөж ажил зогссон байна.

Хүснэгт 2

д/д	ТАХ-ны тоо	Төсөвт өртөг	2024	2025
1	6	1,211.1	1,211.1	
2	14	4,214.8	3,147.2	1,067.6

Эх сурвалж: Хэнтий аймгийн ИТХ-ын №02 тоот тогтоол

1.3. Төсөл, арга хэмжээний гүйцэтгэлд үндэслэн санхүүжилтийг бүрэн олгож, гэрээний хугацаа хэтрүүлсэн гүйцэтгэгчид алдангийг тооцсон байна.

Тайлант онд нийт 34 төсөл, арга хэмжээнд гүйцэтгэгчид 7,668.7 сая төгрөг, 17 төсөл, арга хэмжээний зураг, төсвийн 398.2 сая төгрөгийн зардлыг зураг төсөв зохиогчид, 3 төсөл, арга хэмжээний 6.6 сая төгрөгийг захиалагчийн хяналтын зардалд, 17 төсөл, арга хэмжээний 24.3 сая төгрөгийг зохиогчийн хяналтын зардалд тус тус шилжүүлж 2 төсөл, арга хэмжээ хэрэгжээгүй.

Цанын баазын зураг төсөл /Биндэр сум/ инженер геологийн дүгнэлт хийгдээгүйгээс улсын магадлалаар батлагдаагүй, Сумдын хөгжлийн ерөнхий төлөвлөгөө /Галшар, Цэнхэрмандал, Баян-Овоо сумд/-ний худалдан авах ажиллагаанд гүйцэтгэгч шалгараагүйгээс хэрэгжээгүй.

Орон нутгийн хөрөнгө оруулалтад захиалагчийн хяналтыг хэрэгжүүлэгч аймгийн ГХБХБГ нь 6 хүний орон тоотой, барилгын инженер мэргэжлийн 3 хүнийг гэрээт ажилтнаар нэмж ажиллуулсан 2024 онд улс, орон нутгийн төсвийн хөрөнгө оруулалтын болон аймаг, сумын ОНХС-ийн төсөл, арга хэмжээ, сумдтай байгуулсан гэрээ болон “Монголросцветмет”

ТӨХК-тай байгуулсан гэрээний дагуу зэрэг нийт 123 төсөл, арга хэмжээнд захиалагчийн хяналт хэрэгжүүлсэн байна.

Хүснэгт 3

д/д	Төрөл	ТАХ-ний тоо	Төсөвт өртөг /сая.төг/	1 хяналтын инженерт ногдох ТАХ-ны тоо
1	УТХО	28	240,097.9	21
2	ОНХО	25	13,942.9	
3	ОНХС	41	16,462.4	
4	АЗС	5	1,489.5	
5	Сумдын ХО	19	2,841.3	
6	Монголросцветмет ТӨХК	5		
	НИЙТ	123	274,834.0	

Улсын комисс хүлээн авсан 32 төсөл, арга хэмжээний 29 нь гэрээний хугацаанд хэрэгжиж дууссан бол 3 төсөл, арга хэмжээг гүйцэтгэгч ажил гүйцэтгэх календарчилсан төлөвлөгөөг мөрдөөгүйгээс хугацаанд нь дуусгаагүй байна.

Ерөнхий боловсролын сургуулийн спорт заалны их засвар /Батноров сум, Бэрх тосгон/, “Сургуулийн дотуур байрны засвар /Биндэр сум/”, “Хан-Хэнтий сургуулийн дотуур байрны барилгын засвар /Хэрлэн сум/” төсөл, арга хэмжээ нь гэрээний хугацаанд хэрэгжүүлж дуусгаагүй тул гүйцэтгэгчид 9.2 сая төгрөгийн алданги тооцсон байна

Харин Цанын баазын зураг төсөл /Биндэр сум/” ажил инженер геологийн дүгнэлтийг хийгдээгүй, “Гэр хорооллын дунд жишиг гудамж байгуулах /Хэрлэн сум/” ажил хүйтний улирал болсноос 2025 онд хийж дуусгахаар гэрээг сунгасан байна.

БҮЛЭГ 2. ЗАХИАЛАГЧИЙН ХЯНАЛТ ХАНГАЛТГҮЙ ХЭРЭГЖҮҮЛСЭНТЭЙ ХОЛБООТойгоор 21 ТӨСӨЛ АРГА ХЭМЖЭЭГ БҮРЭН ХЭРЭГЖИЖ ДУУСААГҮЙ БАЙХАД УЛСЫН КОМИССООС ҮҮРЭГ ДААЛГАВРЫН БИЕЛЭЛТЭЭР ХҮЛЭЭН АВЧ АШИГЛАЛТАНД ОРУУЛСАН БАЙНА.

2.1. Худалдан авах ажиллагааны төлөвлөгөөнд заасан хугацаанд тендерийг зохион байгуулаагүй, төсвийн тодотголоор батлагдсан төсөл, арга хэмжээг төлөвлөгөөнд нэмж тусгаагүй байна.

Орон нутгийн хөрөнгө оруулалтаар тайлант онд шинээр хэрэгжүүлэх 16 төсөл, арга хэмжээг 2024 оны Худалдан авах ажиллагааны төлөвлөгөөнд тусгасан бол тодотголоор батлагдсан 4 төсөл, арга хэмжээ тус төлөвлөгөөнд тусгаагдаагүй байна.


д/д	Төрөл	тоо	Төсөвт өртөг
1	НТШ	15	4,975.4
2	ХА	4	385.5
3	ГШБ	1	65.0
	ДҮН	20	5,5245.9

Мөрөн суманд эрх шилжүүлсэн “Ахмадын байрны засвар, тоног төхөөрөмж” ажлын ХАА зохион байгуулах ажилтнуудын эрх дууссан, хүний нөөц хангалтгүй, Баян-Овоо суманд эрх шилжүүлсэн “Нэгдсэн халаалтын зуухыг шинэчлэх” ажил үнэлгээний хороо

томилох эрх бүхий албан тушаалтан нас барсан зэрэг шалтгаанаас тендерийг хугацаа оройтож зарласан байна.

Тайлант онд шинээр хэрэгжсэн 12 барилга угсралт, их засварын 4,059.0 сая төгрөгийн төсөл, арга хэмжээ магадлалаар батлагдсан зураг төслийн дагуу, тоног төхөөрөмж нийлүүлэх 766.9 сая төгрөгийн 6 төсөл, арга хэмжээний техникийн тодорхойлолтын дагуу нийлүүлэгдсэн байна.

Хөрөнгө оруулалтын нийт 34 төсөл, арга хэмжээний санхүүжилтэд 8,187.1 сая төгрөгийг гүйцэтгэгч аж ахуйн нэгжүүд, зохиогчийн хяналтын зардал, захиалагчийн хяналтын зардал болон зураг төсвийн зардалд шилжүүлжээ.



Гэрээний хугацаанд төсөл, арга хэмжээг дуусгаагүй 3 гүйцэтгэгчид 9.2 сая төгрөгийн алдангийг ногдуулан, ашиглалтад орсон 7 төсөл, арга хэмжээний 80.0 сая төгрөгийг барьцаа хөрөнгийн дансанд чанарын баталгаат хугацаанд тооцон байршуулсан байна.

Тайлант онд улсын комисс ажилласан 32 төсөл, арга хэмжээнээс 9 төсөл, арга хэмжээний гэрээний дуусах хугацааг 1-3 сараар сунган нэмэлт гэрээ байгуулсан байна.

- “Гэр хорооллын дунд жишиг гудамж байгуулах /Хэрлэн сум/” ажил зэрэг 3 ажил хүйтний улиралд хэрэгжих боломжгүйгээс,
- “ОБГ-ын сургалт, сурталчилгааны төвийн байр, тохижилт” төсөл, арга хэмжээ 2024-2025 онд хэрэгжихээр төлөвлөгдсөн,

2.2. Төсөл, арга хэмжээний гүйцэтгэлд тавих захиалагчийн хяналт хангалтгүй хэрэгжиж байгаагаас ажил нь бүрэн хийгдэж дуусаагүй байхад ашиглалтад хүлээн авч байна.

Хөрөнгө оруулалтаар хэрэгжүүлж дууссан нийт 32 төсөл, арга хэмжээнээс 8 зураг төсвийн болон тоног төхөөрөмжийн ажлыг комисс томилон хүлээн авсан бол 24 барилга угсралт, их засварын ажлуудад улсын комисс ажилласан байна.

Орон нутгийн хөрөнгө оруулалтаар он дамжин хэрэгжсэн 14 төсөл, арга хэмжээ 2023 онд, тайлант онд 18 төсөл, арга хэмжээг ашиглалтад хүлээн авсан байна. Үүнээс дараахь 3 төсөл, арга хэмжээ бүрэн хэрэгжиж ашиглалтад хүлээн авсан байна.

- Си Эйч Би Жи ХХК-ны гүйцэтгэсэн “Гүйлтийн зам, хөл бөмбөгийн талбайн зүлэг, тохижилт” /Хэрлэн сум/,
- “Төв цэнгэлдэх хүрээлэнгийн доторх хүний суудал, суудлын суурийн ажил”, Жизи номадс ХХК-ны
- “Захирагчийн ажлын албаны их засвар” /Хэрлэн сум, Өлзийт тосгон/ ажлууд бүрэн дуусган ашиглалтад оруулсан байна.

Барилга байгууламжийг ашиглалтад оруулах комисс 21 төсөл, арга хэмжээнд үүрэг даалгавар өгч, чанарын баталгааг гаргуулан ашиглалтад оруулсан байна.

Засгийн газрын 2021 оны 212 дугаар тогтоолоор баталсан “**Барилга байгууламжийг ашиглалтад оруулах дүрэм**”-ийн 8.2.2-т улсын комиссоос өгсөн үүрэг даалгаврын биелэлт хангагдаагүй бол ашиглалтад хүлээн авахгүй байхаар тусгасан боловч улсын комисс барилга байгууламж, их засварыг байнгын ашиглалтад оруулахдаа хэрэгжүүлж ажиллаагүй байна.

Улсын комиссоос өгсөн үүрэг даалгаврыг 18 төсөл, арга хэмжээний гүйцэтгэгч хэрэгжүүлж ажилласан бол 3 төсөл, арга хэмжээний гүйцэтгэгч хэрэгжүүлээгүй байна байна.

“Ерөнхий боловсролын сургуулийн их засвар /Дэлгэрхаан сум/, “Сургуулийн дотуур байрны засвар /Биндэр сум” ажлын тоо хэмжээнд тусгагдсан ажил бүрэн хийгдээгүй байхад улсын комисс ажиллан ашиглалтад оруулсан,

Мөн ашиглалтад орсон боловч чанарын баталгаат хугацаанд гарсан зөрчлийг засварлуулаагүй нь хөрөнгө оруулалтын үр дүнд сөргөөр нөлөөлж болзошгүй байна.

Эдгээрээс “Эрүүл мэндийн төвийн засвар /Баянмөнх сум/”, “1-р багийн төвийн засвар /Хэрлэн/” ажлууд баталгаат хугацаанд бороо орсноос дусаал гоожиж хийгдсэн засварын чанарыг алдагдуулах, үр дүнгүй болгох эрсдэлтэй байгааг чанарын баталгаат хугацаанд засварлуулах нь зүйтэй.

2.3. Орон нутгийн хөрөнгө оруулалтаар хэрэгжүүлсэн төсөл, арга хэмжээг нягтлан бодох бүртгэлд бүрэн тусгасан байна.

Орон нутгийн хөрөнгө оруулалтаар хэрэгжиж дууссан 14,559.0 сая төгрөгийн 32 төсөл, арга хэмжээг 42 байгууллагын санхүүгийн тайланд тусган бүртгэлд авсан байна.

Санхүүгийн тайланд бүртгэгдсэн хөрөнгийн мэдээлэл

				Хүснэгт 4
д/д	Төрөл	Тоо	дүн	ХО-д эзлэх хувь
1	Хөрөнгө оруулалт	5	6,777.9	46.6
2	Их Засвар	19	6,834.7	46.9
3	Тоног төхөөрөмж	6	768.9	5.3
4	Зураг төсөв	2	177.5	1.2
	ДҮН	32	14,559.0	100.0

Эдгээрээс “Залуучуудын сургалт спорт хөгжлийн төвийн зураг төсөв /Хэнтий, Хэрлэн сум/” иж бүрэн зураг төсвийг аймгийн ЗДТГ-ын хөрөнгө оруулалтын дансанд тус тус бүртгэсэн байна.

БҮЛЭГ 3. ОРОН НУТГИЙН ТӨСВИЙН ХӨРӨНГӨ ОРУУЛАЛТААР НИЙГМИЙН САЛБАРЫН БАРИЛГА БАЙГУУЛАМЖИЙН ИХ ЗАСВАРЫН АЖИЛ ҮР ДҮНТЭЙ ХЭРЭГЖСЭН БАЙНА.

3.1. Орон нутгийн хөрөнгө оруулалтаар бий болсон хөрөнгийг зориулалтын дагуу бүрэн ашиглаж байна.

Аймгийн цэнгэлдэх хүрээлэнгийн бүтээн байгуулалт, зам талбайн тохижилт /6,808.0 сая төгрөгийн 5 төсөл, арга хэмжээ/ нь нийтийг хамарсан үйл ажиллагаа зохион байгуулах боломжийг бүрдүүлж тогтмол ашиглагдаж байна.

Сумдын сургууль, цэцэрлэг, эрүүл мэндийн төв, иргэдэд үйлчлэх төв, баг, тосгоны байрны засвар зэрэг 7,089.5 сая төгрөгийн 19 төсөл, арга хэмжээ нь хүүхэд сурах орчныг нэмэгдүүлсэн, иргэдэд үйлчлэх нөхцлийг сайжруулсан байна.

Мөн 766.9 сая төгрөгийн 6 төсөл, арга хэмжээгээр нийлүүлэгдсэн автомашин, тоног төхөөрөмжийг зориулалтын дагуу ашиглаж байна.

3.2. Орон нутгийн хөрөнгө оруулалтын дийлэнх хэсгийг нийгмийн салбарын их засварт зарцуулсан нь үр дүнтэй болсон байна.

Орон нутгийн хөрөнгө оруулалтыг төрийн захиргаа, дэд бүтэц, байгаль орчин, нийгмийн хамгаалал, боловсрол, эрүүл мэндийн салбарт хэрэгжүүлж 90% нь бүрэн хэрэгжсэн байна.

Үүнд Баянмөнх, Баян-Адарга, Мөрөн сумдын Эрүүл мэндийн төвд их засвар хийж, Бор-Өндөр, Галшар, Дархан, Өмнөдэлгэр, Цэнхэрмандал болон аймгийн Нэгдсэн эмнэлэгт автомашины хангалт хийж эрүүл мэндийн тусламж үйлчилгээний хүртээмж, эмчлүүлэгчдийн ая тухтай эмчлүүлэх нөхцлийг сайжруулжээ.

Мөн Дэлгэрхаан, Жаргалтхаан, Цэнхэрмандал, Хэрлэн сумын Хэрлэн-4, Хан-Хэнтий ЦС болон Бэрх тосгоны ЕБС-ийн биеийн тамирын болон хичээлийн байр, Хэрлэн-4, Биндэр, Хан-Хэнтий ЦС, Политехник коллежийн дотуур байрыг засварлан хүүхдийн сурах орчныг сайжруулж, ая тухтай суралцах нөхцлийг бүрдүүлсэн байна.

Нийгмийн салбарт ажиллагсдын амьдрах орчныг сайжруулах хүрээнд Дархан сумын ЕБС-ийн багш, ажилчдын 4 айлын орон сууцыг засварлаж, иргэд соёлын үйлчилгээг авах орчныг сайжруулах хүрээнд Баянхутаг сумын Соёлын төвд их засварыг хийжээ.



АУДИТЫН ДҮГНЭЛТ:

- ❖ Орон нутгийн хөрөнгө оруулалтын төлөвлөгөөний тухайн жилийн 8,742.7 сая төгрөгийн санхүүжилтийн гүйцэтгэл 93.6 хувь, тухайн онд хэрэгжүүлж дуусгахаар төлөвлөсөн 34 төсөл, арга хэмжээний хэрэгжилт 94.1 хувьтай байна.
- ❖ Орон нутгийн хөрөнгө оруулалтар 2024 онд Ерөнхий боловсролын сургуулийн барилгын их засвар /Дэлгэрхаан, Цэнхэрмандал, Хэрлэн сумын Хан-Хэнтий” ЦС, 4 дүгээр сургууль/, дотуур байрны барилга /Жаргалтхаан, Биндэр, “Хан-Хэнтий” ЦС, 4 дүгээр сургууль, Политехник коллеж/, ЕБС-ийн спорт залны засвар / Бэрх

тосгоны ЕБС/, Эрүүл мэндийн төвийн засвар /Баянмөнх, Мөрөн, Баян-Адарга/, ЭМТ-ийн яаралтай дуудлагын автомашиныг шинэчлэх /Бор-Өндөр, Галшар, Дархан, Өмнөдэлгэр, Цэнхэрмандал/, Дархан сумын ЕБС-ийн багш, ажилчдын байрыг засварлах зэрэг төрийн албан хаагчдын ажиллах нөхцлийг сайжруулахад зарцуулсан байна.

- ❖ Худалдан авах ажиллагааг зохион байгуулах 5 үнэлгээний хороог хугацаанд нь байгуулаагүй, ажилтнуудын АЗ гэрчилгээний хугацаа дууссанаас тендер хугацаа хоцорч зохион байгуулагдаж төсөл, арга хэмжээний гүйцэтгэлд сөргөөр нөлөөлж байна,
- ❖ Барилга байгууламжийг ашиглалтад оруулах комисс нь нийт төсөл, арга хэмжээний 87.5 хувийг Засгийн газрын 2021 оны 212 дугаар тогтоолоор баталсан “Барилга байгууламжийг ашиглалтад оруулах дүрэм”-ийн 8.2.2 дахь заалтыг зөрчин үүрэг даалгаврын биелэлтийг хяналгүйгээр хүлээн авч ашиглалтанд оруулсан байна.
- ❖ Аймгийн ГХБХБГ нь захиалагчийн хяналтыг хангалтгүй гүйцэтгэж байгаагаас төсөл, арга хэмжээ хугацаандаа бүрэн хэрэгжихгүй байна.

АУДИТЫН ЗӨВЛӨМЖ:

Аймгийн Засаг дарга Д.Аюурбунь-д

- Төсөл, арга хэмжээний худалдан авах ажиллагааг төлөвлөгөөнд заасан хугацаанд зохион байгуулах боломжтойгоор үнэлгээний хороог байгуулж байх,

Аймгийн Худалдан авах ажиллагааны газрын дарга Г.Лхагвахатан-д

- Аймгийн хэмжээнд худалдан авах ажиллагааг зохион байгуулах АЗ сертификаттай ажилтнуудын нөөцийг бүрдүүлэх ажлыг зохион байгуулах,

Аймгийн Газрын харилцаа барилга хот байгуулалтын газрын дарга Б.Сүнгээ-д

- Төсөл, арга хэмжээний хяналтын төсөвт тусгагдсан ажлын гүйцэтгэлд тавих хяналтыг бүрэн хэрэгжүүлэх ажлыг зохион байгуулах,
- Барилгын тухай хуулийн 14 дүгээр зүйлийн 14.7-д заасны дагуу хэвийн ашиглалтын хугацаанд гарсан зөрчлийн шалтгаан нөхцлийг тухай бүрд нь шалган тогтоож, улсын байцаагчийн дүгнэлт гаргуулан шуурхай засварлуулж барилга объектыг хэвийн ашиглах нөхцлийг бүрдүүлэх ажлыг зохион байгуулах,

ҮАГ-ААР ДАМЖУУЛАН УЛАМЖИЛЖ САНГИЙН ЯАМАНД ТАВИХ САНАЛ:

- Монгол улсын Засгийн газрын 2023 оны 278 дугаар тушаалаар баталсан "Төсвийн хөрөнгө оруулалтаар хэрэгжүүлэх төсөл, арга хэмжээг төлөвлөх, санхүүжүүлэх, хянах, тайлагнах журам"-д "Төсвийн хөрөнгө оруулалтаар хийгдэж буй их засварын ажлын зураг, төсөвт улсын магадлал хийгддэг байх" заалтыг нэмж тусгуулах

---o0o---